

Tervetuloa Kilpailuviranomhaisen tykö

Kilpailu on hyvä konsymentile ko se pittää tavaroitteen ja palveluitten hinnat alhaala, parantaa laatua ja lissää sitä mitä on tarjola. Jos kilpailu toimii, niin firmoitten on pakko olla tehokkaampia. Samala kilpailu stimyleeraa sitä ette yhtheiskunnan resyrsiä käytethään paremin, antaa maholisueen uusile aktöörille päästä markkinoile ja se vahvistaa Ruottin elinkeinoelämää kansanvälisillä markkinoila. Toimiva ja tehokas kilpailu vaatii, ette firmat häätyvä nouattaa vissiä sääntöjä.

Kilpailulaki kieltää firmoitten toimimasta sillä mallin ette kilpailua rajotethaan, esim. kartellitten kautta. Suuritten firmoitten ei saa käyttää väärin ommaa markkinavaltaa. Sen lisäksi suuret firmakonsentrasuunit häätyy ilmottaa Kilpailuviranomhaiselle. EU:nki kilpailusäänöt jällaava Ruottissa.

Kilpailuviranomhainen on se viranomhainen joka valvoo ette firmat nouattava kilpailulakia. Met ehotamma kans semmosia säänöitten muutoksia jotka olisit hyvät kilpailulle, met levitämmä tietoa siitä mikkä säänöt jällaava ja annama piitraakia kilpailun tutkimiselle. Met otama mielelhään vasthaan tipsiä firmoilta ja ihmisiltä jotka eppäilevä ette joku firma rikkoo kilpailulakia. Claes Norgren on Kilpailuviranomhaisen pääjohtaja.

Jos halvaat lissää tietoa, ole ystävälinen ja ota yhtheys meihin: e-posti konkurrensverket@kkv.se, faksi 08-24 55 43 eli telefooni 08-700 16 00.